



STINAPA TA INFORMA

E HISTORIA TURBULENTO DI 6 KILOMETER KUADRÁ DI TERA

Riba 29 di ougùstùs 1868 ta sali un atvertensia den "Curacaosche Courant" kaminda parselanan grandi di Boneiru ta ser ofresé na benta. Tambe ta ofresé un isla chikitu dilanti di Boneiru ku yama Klein Bonaire. Ta deskribié komo un tereno di 600 hèktar, ku ta hopi adekuá pa tene bestia ku posnan ku awa dushi. Tres dia despues Klein Bonaire a ser bendé kaba ku e negoshante Angel Jesurun. Awendia Klein Bonaire ta den man di gobièrnu atrobe i a ser deklará komo un área di naturalesa protehá ku no tin mag di ser desaroyá. Un oásis di trankilidat i naturalesa sin disturbio. Pero e kaminda pa por a yega einan tabata largu i yen di difikultat. Un gran parti di siglo 19, famia Jesurun a usa Klein Bonaire pa kria kabritu i pa agrikultura. Na 1966 e Merikano John Bogart a kumpra e isla pa US\$ 15.000. E la mira futuro turístiko den e isla ku su playanan di santu blanku. E kier a desaroy'é huntu ku Captain Don Stewart. Na e parti di e isla ku yama "No Name Beach" awendia tabata koba santu pa konstrukshon riba Boneiru. E plannan pa konstruí un proyekto turístiko grandi riba Klein Bonaire mes no a sigui pasobra Bogart a bende su propiedat ku e komersiante Maurice Neme, kende - huntu ku e konosido kantante di Calypso Harry Belafonte - a traha un grupo di kas kaba na e parti ku yama Belnem awendia. E biaha aki tabatin plan serio pa desaroyo turístiko di e lugá inhabitá aki. Den mesun tempu sinembargo e preokupashon públiko pa e efektonan di e plannan aki a kuminsá bira mas grandi, i den 1996 a lanta e Foundation to Preserve Klein Bonaire (FPKB). FPKB a hala atenshon públiko riba e echo ku un desaroyo asina lo dañá naturalesa, i tambe lo afektá e playanan kaminda turtuganan i paranan ta pone webu, i ademas lo destruí e refnan di koral. Tur esaki lo a resultá den daño permanente na e flora i founa di Klein Bonaire. Un kantidat grandi di Boneriano tabata di opinion ku Hulanda tabatin e deber moral di kumpra Klein Bonaire bèk i dun'é bek na e pueblo di Bonaire pasobra ta Hulanda a kometé e fayó di bendé na 1868. Despues di basta aña di negoshashon entre KBDC i e gobièrnu di Bonaire, (ku aporte di FPKB), porfin riba 21 di desèmber 1999 a kumpra Klein Bonaire pa US\$ 5 mion for di Maurice Neme, djis pa sigurá ku e isla lo keda naturalesa bírgen tambe.

Skirbí pa Quita Sareyka, tradusí pa Marcel Nahr.

Fuente Port Call 1996 - 1999.

Pa mas informashon i reakshon: STINAPA, telefon 717 - 8444, info@stinapa.org

NOS TA BIBA DI NATURALES



Traha huntu na un desaroyo duradero pa Boneiru